




刻許太常歸田稿序



歸田稿者吾鄉先達許石城先生罷
列卿家居所著詩也先生以文章魁
天下歷銓曹登容臺津、階顯榮矣
旋以高才盛名為時所忌迴翔中外
僅晉符卿而罷歸卧金陵餘三十年

天下之士無論識與不識靡不為先生扼腕者而先生處之夷然惟日與親戚朋友賦詩飲酒盡山水園林之樂士論翕然高之予先大夫受業先生之門予垂髫即奉杖履從先生游辱知最深且久丙戌秋予復除浙臬

請先生近詩授諸梓先生緘而致之且屬序焉居無何而先生訃至客自金陵來者言先生大歸時神韻朗々自撰行實且為詩別親舊飄然無疾而逝嗚呼達哉近世稱詩者流徃々陵夸恣傲放浪詼譎自詫豪舉一遇

民田和兵序
榮辱利害之交鮮有不摧沮者即摛
藻如春華馳辯如秋濤吾無取焉今
先生一升沈齊生死蟬蛻塵埃之外
而與造物者遊則先生之賢于人遠
矣讀先生之詩者其尚以此求之是
稿始謀于廖衢州繼謀于卓光祿迺

克成編二君皆舊蒙先生知愛者予
不佞何敢序先生詩然先生成命在
耳不敢負諾責地下故聊述其生平
梗槩使後世尚論者知所考鏡云

昔

萬曆丁亥仲春吉旦同郡後學吳自

新伯恒甫書



許太常歸田稿跋

是藁為故太常石城許先生詩也先生
生存日以詩稿屬觀察使吳公吳公
謀于卓光祿校梓之凡若干卷得詩
若干首嗚呼先生往矣而是編之存
可垂不朽云先生蚤年以文章大魁

寰宇歷清華而至卿寺晚歸林壑搜
竒攬勝極徜徉之趣者不知幾歲月
也迺所為詩會情景於一家凌風骨
於百代爽籟迅發宏麗有蘊藉所謂
大雅之音非邪往不佞署南曹先生
且八旬矣以家大人曾從詩社中有

世謬則持觴壽之而先生神王足矯
不殊強壯頃客自秣陵來謂先生將
厭世無一語及家事獨召二子侍筆
硯從容述生平行實以次書之越二
日乃逝蓋先生襟宇冲粹遊於德園
居常俞々徐々不見喜愠色即老壯

生苑直齊視耳其所養固如此然則
知先生者豈獨詩也云乎我刻成爰
跋數語於篇後

萬曆丁亥春仲吉旦九疑山人廖希
元伯才甫書于三衢之琴鶴堂



許太常歸田稿卷一目録

五言古詩

景賢十二詠

黃淳父姚元白過訪草堂席上成詩以許
字爲韻各成一篇余亦繼作

冬日偶成

箕泉廷評携酒偕射陂大壑二祠部過訪

秋日感興

別高靈湫侍御

冬日雜言

新秋飲秋澗宅

橫厓書來有簷際白雲不堪持贈之語因反其意而嘲之

橫厓許寫修竹圖見惠詩以促之

西岩王令過訪贈詩

送王小石再赴石阡

武小湖新樓成留坐竟日因成長句

臘日喜卓澂甫過訪次酬見贈

許太常歸田稿卷一目錄 終

許太常歸田稿卷一

上元許穀仲貽著

五言古詩

景賢十二詠 有序

十二公者皆當世大賢穀自居家以至登第立朝所嘗敬事者也儀刑既遠瞻仰不忘敬賦小詩用伸遐企

陳侍講 沂

侍講抱瑰琦玉堂晚儲秀擲管大曆前洒翰眉

山後觸忌出省方公餘眺巖岫倦游賦歸來遂
初遠氛垢公構坐三日遂初

王太僕韋

太僕厲廉隅向客寡言咲精詩逼義山麗藻準
逸少學政誰能干閒省亦樞要直諫推先公端
方允同調公父徽居南科以諫謫吏目

文待詔徵明

待詔稟貞姿文行早騰著較藝阻雲程徵賢上
鸞署靜退元寡諧上書亟捐珮清風激頽頑所

重非藻繪

顧司寇璘

大雅世希逢司寇信豪傑偉貌吐英詞小夫皆
震懼嵩洛仰包公湘人歌召伯終老隔朝端知
賢忌偕列

梁司徒材

尊官多脂韋司徒何介特剛中任險夷絜已靡
淄涅國計慎轉輸皇情每怡悅忤時謝樞機遺
後但清白

王京兆 熿

天台產明公猶特立霞表直諫謫嶺南超遷尹
京兆剔蠹協輿情出險荷蒼昊生祠建崇岡芳
聲久彌劭 公北上覆舟流至京口遇丹徒聶令
鑿舟始出

湛司馬 若水

大儒領司馬文武非異道八伐喜不張二業恣
敷教到處噓春風多士樂仁造百齡卧羅浮海
內稱大老

呂侍郎 柟

靈秀鍾華山篤學崇孔氏狀元出典州文移如
老吏司成肅規條掌禮剔浮偽歲久始易名誰
能悖公議

許冢宰 謨

端人久銓曹拖玉繼襄毅鞠躬答隆知九流各
無滯岐山鸞鳳姿清廟鼎鴈罷遲暮始秉鈞霖
雨暫沾沛

徐侍郎 緝

有美少宰公鳳池早騰譽華文紀詞林冰姿映

民日報 卷一
朝著持銓佐文昌校藝得才士優游返吳山讒
口良可畏

張閣老

傳

翁也湘漢靈渾淪復該博延賢愛吹噓典文去
雕琢聖人知純臣召入佐綸閣贊化倘歷年澆
風可還朴

蔡侍郎

昂

侍郎起淮陽三舉冠羣秀肅肅沉毅容特立壯
門右橫經帝前席選士賢入彀時方忌謹言皇

亦各多壽

黃淳父姚元白過訪草堂席上成詩以許

字爲韻各成一篇余亦繼作

中歲謝簪珪青林築深墅抱瘵寡游從懷人獨
延佇卷我吳中英作客換時序曉來結同心弭
節問幽渚維時歲載陰朔雲慘孤嶼草閣何所
陳甕罌瀉新醕焚枯但充庖採橘亦盈筥一笑
各淹留道洽忘爾汝緬惟荆玉姿英輝照尊俎
側聽遠游篇鏗鏘協鍾呂素交久以湮大雅復

誰語今茲覲休風豈惟洽歡緒世路任飛沉天
地總逆旅何當駐高車頻來訪巢許

冬日偶成

群卉倏已凋短晷不停轉端居閱浮生感此歲
華晏屈蠖真蟠泥伏櫪豈追電三黜下朝端一
屢傍畿甸青山羨盤龍烏衣嘆飛燕十年此夷
猶萬事頗遷變澤留架上書衣存手中線星散
同時英颯騰後來彥伏波窮且堅相如老應倦
坐擁鸛鷖裘夢隔蓬萊宴清虛任恬愉肥輕絕

歎羨書成愧春蛇賦就慙素練豈無古可希所
嗟才匪健太玄從容嗤凌雲復誰薦鷄肋亦易
捐蝸角焉足戰傾葵本向陽曝背敢忘獻貽穀
爲孫謀作慮慮神譴盃盈瀉壺漿堂虛裊爐篆
長歌看雪峰白雲似相戀

箕泉廷評携酒偕射陂大壑二祠部過訪
涼秋八月朔踈雨飛江城山人不出戶苔色緣
階青詞客王子猷投交號忘形公餘策斑馬南
來叩巖扃頃刻展芳席盤出錦帶羨坐上逢二

歸田稿 卷一
妙疑是雙鸞停高言間絲竹秩秩俱可聽酒酣
道疇昔聚散真浮萍搥筆游藝苑影組登明廷
君才各豪傑而余愧伶俜歸來掩衡廬能無懷
友生豈知青雲侶還集白鷺汀當歌敢辭飲有
懷須盡傾感此念高誼居然祛俗情

秋日感興

霜降秋已深雲暗日易夕林楓競飄丹池荷罷
擎碧攬鏡髻逾踈作賦情豈遑肯穫未盈倉遺
書但充壁因之悽愴生何以報罔極

別高靈湫侍御

山人卧東山違世悵獨立眷言念所知芝宇邈
難覲今春倏南來旌車扣蓬蓽一笑叙離懷歡
呼散岑寂憶昔登天門傾蓋如舊識自知非卜
和頗亦辨良璧君旣宰花縣余亦落銓職聚首
在西湖放歌烟水碧及君登憲臺風采動南壯
時余已歸畊魚書欣不絕直道胡不容驄馬遽
顛蹶洛下復滇中飄飄任萍跡此來信天假每
會必竟夕言念鷗海姿將展冲霄翼貝錦忽成

文蛾眉仍見嫉奉身別留京載整西川楫聚會
不可常須臾復相失行藏亦如此何須置欣戚
君歸侍八座二老有歡色古人一日養三公豈
相易此外謝塵紛唯須友松石反身既無慙進
退諒寬適相望各一方後會渺何日願言保幽
貞未慰山中客

冬日雜言

寒宵不成寐起坐夜始分出戶看月光青天無
片雲吾心既湛然萬籟寂不聞所憂東方旦群

動還紛紜

短日何易午輝輝照前楹憑几愛日光坐久陽
和生野人云此樂無由獻承明厥覲良陋小寸
心亦孔誠

地爐爇松火閉門寒不侵火中煨芋栗茗熟時
自斟東隣燔獸炭羔釀浮黃金彼此各成趣不
知誰淺深

庭寒賓不來向夕自開甕長歌酌數行血脉亦
流動微醺卧匡牀只疑游頌洞醒來一咲生誤

作朝天夢

新秋飲秋澗宅分韻得我字

輕颺送驕陽嘉節屆流火美人敞層軒芳筵列
瓜果野老纔登堂良朋漸盈坐展卷道古今泯
迹忘爾我紅日既西匿皓月升樹左高天飛白
雲歷亂不成朵遷席向廣庭呼盧任袒裸宮商
不停聲縱橫樂皆可既醉乃言旋竟忘白幘墮
揮毫贈同心志合會終妥無然逐輕肥令人笑
委瑣

橫厓書來有簷際白雲不堪持贈之語因
反其意而嘲之

匡山飛白雲日與官舍映君本青雲客未可悅
情性天風昨送來增我草堂勝卽此覩已多誰
云不堪贈

橫厓許寫修竹圖見惠詩以促之

廣文詩本工畫品亦精絕好寫青琅玕曾不讓
蕭悅許惠瀟湘圖落紙總冰雪何時寄東山山
中正炎熱

西岩王令過訪贈詩

王子何方來日暮駐征勒登堂寂無言再拜長
嘆息余驚且問故欲語氣猶塞徐曰某無良治
邑頗修職邑小當孔道民疲政多忒甫至軫愚
衷矢心務培植積逋久俱完頽宇漸咸飭青衿
守庠序農父勤稼穡桴鼓夜不鳴四境號豐殖
惟是督郵至供應奉怕則豈不愛充盈所重在
民力素性笑脂韋平生羞鬼魅凡事厭揣摩應
對無矯飾以此失上官謗書過京國卽今將改
官忠信竟偏側志竭功不成憤懣貯胷臆余曰
有是哉顛仆固無惑世今尚夸毗子獨秉端直
杓鑿旣已違萋菲日應織高天厚九重何由辨
忠慝上下偶不逢安能免傾躓雖然君子心終
始履繩墨豈爲要虛名而遂去貞特子今善安
民吏道信已得浮言任往來仰天罕慙色此去
改新封願言怕乃德流水子期知飛電張華識
指日看登庸庶幾慰淹抑

送王小石再赴石阡

丈夫五馬賚何郡不可居所賚抱忠信化俗自有餘使君太係裔美器如璠璣少年佩金章遠徼停隼旟問俗思改革察蠹務剪除首減戶口錢歡喧動村閭肇建百雉城老稚皆晏如明鏡設堂上陽和徧郊墟今年述侯職賢聲徹彤廬再命樹丕績終惠無改初過家別親戚慨然上脂車遠人思召父行矣勿徐徐世德須作求人垂今譽寇恂祗暫借不久觀徵書

武小湖新樓成留坐竟日因成長句

美人起高樓近在秦淮隅
嵬峩對粉堞玲瓏眺皇都
雲氣昏曉入山色東西鋪
遂今塵市中脩然似蓬壺
君本青雲翼藏器方待沽
暫此謝塵鞅高居且從吾
中設帝君像旁列山海圖
床頭集秘典座上羅陰符
俗客不能至靜士恒與俱
坐談玉笈旨時煑丹砂
爐曾次已洞朗顏色常
敷腴蹇余偶相訪躡級忘
縈紆四顧神情開恍若
登天衢畱坐竟未晝出口
皆玄珠玉液瀉金竿青精
上雕盃清風接天來欲去
還踟躕我願

賢達士策勲報唐虞卷舒賢有道勿爲形迹拘
功成賦歸來此地觀居諸至人如接引幸挈山
澤癯

臆日喜卓激甫過訪次酬見贈

往余卧空山多君數來顧新詩似元規雅量比
叔度分襟凡幾秋書往神亦去命駕今再來冰
霜歲云暮燒燭坐茆堂談笑快良晤道同靡猜
嫌志合蠲憎妒君本玄豹姿暫隱南山霧伏櫪
余已衰雄心倦長路行藏各葆真紛紜任馳騫
蕭朱何足欽雷陳故須慕慙勤送濁醪風流倚
璠樹眷言續前盟于以寫衷悰

許太常歸田稿卷一終

武林卓明卿澂甫校

許太常歸田稿卷二目錄

七言古詩

萬寧樓詩

大隱靈壽篇

贈江村山人

嚴亭僉憲壽歌

東園公七十壽歌

相逢行贈趙柱野太僕

攝山老人壽歌

贈六合董令

歐曰良太學西還贈歌

聽張子彈琴歌

謝張尚書惠雙鶴

送吳伯恒春試 送余伯祥春試

贈武氏兄弟 贈朱九疑

馮海桴教授贈余古鐘詩以謝之

贈王掌教 月夜謝鄭子學送酒

六月十五日鄭子學移酒偕陳子野過訪

芸閣詩為顧汝修賦

題麻姑圖壽朱碩人

黃毅所叅議赴閩中贈歌

壽朱筠居八十 贈張將軍

題家藏石田白蓮圖用舊韻

送顧常卿春試 邀笛閣

贈周景雲 題橫厓醉竹

題沈石田墨牡丹 贈楊水部

贈江浦蕭令 贈吳子明封君

贈金白嶼 積陰歎

捕魚圖 張奉常考績贈詩

賀篤齋孫懷寧守備為蔡叅軍作

苦雨歎 贈吳三峰

題喬松遐壽圖壽臨淮盱山侯

李伯憲西還贈歌 贈楊醫士

秋江釣艇為橫厓子作

贈蔡修菴 題嚴陵釣圖

題梅月雙清圖為鄭隱君賦

王烈婦 邢太史壽詩

太樸圖歌為沈符卿作

贈丁畫士 今昔行寄顧小川

壽鳳墩僉憲八十 贈畫梅王山人

贈毛陰陽

少癸王年丈八十壽詩

許太常歸田稿卷二目錄終

許太常歸田稿卷二

上元許穀仲貽著

七言古詩

萬寧樓詩有序

太僕王陽史公新建 萬寧樓於三茅

山恭祈 聖壽事聞伏蒙 溫旨嘉答

賚以金綺優厚真殊典也海內以為極

榮敬賦一首

江東秀出三茅山金龍玉虎相迴環道家福地

此第一果然蓬島非人間 今皇望秩重禋祀
歲遣朝臣達誠意山下長聞萬歲聲空中屢接
三清旆大卿還家二十秋丹心如侍翠雲裘欲
祈 聖壽同黃帝恭向名山結紫樓邇來盛事
聞 當宁開封上動 天顏喜特傳褒語下雲
霄遂降 殊恩賜金綺大卿拜受茲益恭自言
職分非私忠 萬壽康寧萬方祝臣心元與萬
方同

大隱靈壽篇

有序

外舅省居翁今年八十秋杪懸弧里中
修賀穀忝女倩慶忭尤深因取家藏方
朔舊圖系之長語以代頌焉

東村畫品絕有名頃刻盤薄皆天成何年寫此
東方朔掌中桃實光晶熒東方本是得道者睥
睨乾坤如傳舍靈氣曾傳是歲星大隱何須問
原野偷桃三向瑤池還金門暫駐風塵顏至今
勝事播千載猶龍變化誰能攀我觀此圖得形
似彷彿高風在塵世卽今濁俗誰與倫省居丈

人無乃是丈人夙稟鸞鶴姿數椽住傍秦淮湄
水邊舊種三花樹石上多生五色芝飽看世事
只拚口愛讀黃庭常在手曉起親焚螺甲香閑
來獨酌松花酒朱門簫鼓夜喧闐紫陌輪蹄晝
接連丈人一屨在城市閉戶不知惟醉眠見說
青鞋出南郭聞遇真僊坐丹壑赤簡新傳海上
文金漿跪受壺中藥今年八十百病無常有冰
雪生肌膚眺遠登高不知倦兒童道是蓬萊徒
江南九月值初度翠竹黃花照庭戶遙望函關
紫氣來屢傳閭闔雲車駐佳兒笑舞斑斕衣孫
枝滿眼皆芳菲世上浮名果何有人間樂事今
無違我觀丈人壽者相從此靈襟任清曠不用
重窺王母桃遐齡定出松喬上

贈江村山人

隱翁結屋依江村白沙翠竹圍高門近觀玄武
卽蒨水迴瞻鍾阜如崑崙隱翁自昔喜吟咏少
小閒情在巖洞重趼嬾向四方游弛擔早作三
山夢黑髮栖真歲月長今年七十精神強下山

不挂九節杖却老何用千金方
倉盈困滿非所悅水綠山青獨相得
興來尋樂意無窮老去揮毫才轉捷
新秋望日天氣清溽暑消盡涼飈生
堂前作樂綺筵敞座上雪藕香羅輕
我知隱翁百無慮醉後長歌眇天地
貽謀散盡滿籛金承家種就三珠樹
顧我投交信有年白頭相對各依然
從今再數三十載錦箋長和南山篇

嚴亭僉憲壽歌

彭澤高人不可見叔世浮沉稱巧宦
吾鄉近見

張長公清風不忝儒林彥早年門闕耻自矜
獨坐高齋窮萬卷剖符曾向甘泉宮種花暫過河
陽縣循吏芳名天子知擢居近侍衆稱宜一朝
攬轡作觀察豈止當道無狐狸直節峻嶒武夷
並齷齪小兒翻見疑長公乞身返鄉國至今人
起甘棠思吁嗟丈夫立身貴英偉強顏媚世胡
爲爾君看富貴如埃塵肯把青蒼博朱紫卽今
七十筋骨強晏坐清游總歡喜手扳昆弟似瓊
枝目覩兒孫盡鸞羽首夏清和敞玳筵紅藥朱

歸田稿 卷二
葵照軒几將來遐壽知無窮何用重尋赤松子

東園公七十壽歌

當代王孫誰第一東園先生真間出鍾山發祥
非偶然曠度英姿故難匹崢嶸甲第接天衢閒
心偏愛水雲居金貂在篋意不貴青史滿前情
晏如早年好客常倒屣遂有聲名動寰宇賢如
王祭遠能來貧比馮驩退應喜登高忽憶鳳凰
游對起芳園眺帝州蘭房桂榭圖中結瓊海銀
波天上流勝地奇觀壓金谷錦繡烟霞紛滿目

何止公卿愛駐車更有文儒同秉燭生來宇宙
逢清寧坐對芳菲歌太平已看鳳羽三三起復
覩蘭孫箇箇生五月南風洒珠閣壽宇弘開天
地潤玉洞高張玳瑁筵金漿滿泛鸕鷀杓登堂
上客皆巖廊繞座詞人來四方堂上同稱福似
海座中咸頌壽如岡先生積善歲應久人間衆
善身俱有諸福元從德行生丹符詎用仙人授
蒼姬之錄遠不窮先生福履同始終自今歲歲
開芳宴請看塵飛滄海中

相逢行贈趙柱野太僕

昔日天門初定交同心喜遇人中豪子期偏聽
伯牙引呂虔蚤贈王祥刀不久高才列司諫余
亦南歸陪禮院龍江暫會若夢中後來世事驚
千變蹇余放逐倦風塵歸卧滄洲把釣綸喜觀
天上披鱗疏不負平生報主身十載烟波隔雲
路相望何由倒情素昨乘駟馬過銀臺訪舊先
尋桃葉渡巨卿鷄黍元無期干將會合信有時
明珠貝錦不須問握手且進黃金卮多君愛看

淵明柳退食頻來仍載酒烹葵煮菽助盤飧肯
笑山家無所有五月追游未是多早時嚴召下
鑿坡尊前未贈游仙曲江邊已唱驪駒歌看君
自是鈞衡器不獨雄文壓當世此行只尺上巖
廊滁陽聊作停麾處人非鹿豕豈長羣高位從
來貴致君所期甘澍八方潤詎惜飛鴻兩地分

攝山老人壽歌

攝山老人厭林樾白頭常作遠遊客新歲遙從
山海還冰霜滿面貂裘裂入門恰值懸弧期家

歸田稿 卷二 六
人跪上千年卮老人搖手復大笑在家信好行
路危我聞此語心獨愧翻恨虛名滿天地壯游
南北是初心老卧丘園乃真趣老人喜戴白氎
巾江上三山舊結隣盡日花間無俗客有時橘
裏逢仙人承家况有鳳皇羽頃刻青雲能致身
回頭萬事頗稱意黃金散盡何足珍老人已是
惡風塵余亦辭榮卧水濱自今相見但傾酒百
年莫負江南春

贈六合董令

漢廷才子廣川客剖竹來遊大江北百里山川
對玉壺千家桃李生春色游刃揮斤思有餘始
知曾讀五車書鹽亭健令或相似隆慮神君恐
未如余本江南釣魚叟每聽賢聲但傾酒恨不
移君置四方盡使蒼生見慈母驂騑休嘆滯風
塵天上騰驤會有辰明年繡斧登三院遙羨花
封第一人

歐曰良太學西還贈歌

太和貴盛稱歐陽卽今勲業多巖廊愛君濯秀

司空宅少年已負青雲望我昔觀風曾校藝每
把高文嘆佳士始信丹山生鳳凰謬說孫陽識
騏驥春風鼓篋游江東問訊時過一畝宮花林
送酒情偏洽竹嶼談玄思不窮霜天忽動沙棠
檝目覩飛雲念鄉國夕陽照岸木葉丹朔風吹
江浪花白丈夫成名須及辰映雪攻文藻思新
明歲看君攀桂去名家爭羨亢宗人

聽張子彈琴歌

竹林瀟洒西日沉張子訪我携玉琴嗒然坐對

烏皮几按絃遂作清泠音初疑松上靈風起恍
若倉庚樹頭語依稀帝子下瑤階環珮鏘鏘度
湘水珊瑚鍊擊壯莫當瀑布高懸清且長世間
妙響一時具豈獨援手分宮商嗚呼阜財解愠
世已換鵠翔鶴舞今難見寥落鍾期山水音寂
寞嵇康廣陵散羨君妙悟太古前輕彈急鼓皆
通玄搏拊高低有仙訣心手應和非人傳胡爲
今人不好古吹笛喧箏滿城府朱門但聽四絃
聲學士何慙八風舞憐予懸珮卧清溪雅調凡

民日報
卷二
腔志不迷君如謂我解真趣乘月來彈烏夜啼
謝張尚書惠雙鶴

一雙海鶴雲中翔春來飛集尚書堂尚書寵之
贈野客清輝早映愚溪傍開籠放出兩白羽頂
上丹砂光可取走去松庭次第鳴行過蘭砌叅
差舞顧余久卧南山陰尚書懷舊時相尋凡胎
偃蹇正堪愧豈能作伴瑤池禽相看已罷乘軒
想暫與鷄群共來往爲公調息養遐齡獨欣不
落虞人網

送吳伯恒春試

藝苑向來稱小友文章信是穿楊手秋塲新奪
錦標歸聲名不在蘇王後此行射策聽臚傳題
名先過曲江邊長安道上人如蟻爭看登科美
少年

送余伯祥春試

當年曾上柱史堂雄文早羨少年郎雲卧今驚
二十載南天始見神龍翔此去敷陳近仙仗曉
日初升聽臚唱承明著作待才人錦袍穩立鰲

峰上

贈武氏兄弟

君家兄弟盛文章
隋珠和璧爭輝光
一日雷聲震寰宇
江南冀北皆騰驤
機雲昔日齊文譽
二宋當年接科第
不久春風報捷來
帖上泥金映棠棣

馮海桴教授贈余古鐘詩以謝之

廣文先生江上至
贈我古鐘信奇器
鑠金定選荆揚精
辨文遠在商周世
勿云小棧非巨鏞
元

氣已在包含中
太常審聲或者是
東川異物將無同
老我埋光歲云久
同聲相應元非偶
感君便置草堂前
遂令凡樂皆垂首
嗚呼虞庭不聽鳳
凰鳴林壑今聞戛
擊聲從此秋山多
遠韻絕勝雲臺空
勒銘

贈朱九疑

刺史懸車今幾秋
裹糧喜作逍遙游
天台手攀藤葛度
武夷坐看雲霞流
舊說鍾陵多紫氣
扁舟昨傍龍江駐
鍊鎖先尋燕子磯
芒鞋直上牛

頭寺相思忽憶種瓜人來訪茅堂意氣親掀髯
道盡登臨况使我空洞開心神章江邂逅憶分
手廿載魚書隔林藪清都今見神仙標詞壇元
是文章友皓首憐余不出山爲君特地掃柴關
黃花綠酒好留醉肯學王猷與盡還

贈王掌教

使君自昔稱儒宗一朝振鐸來江東升堂待問
首經義蘇湖設教將無同邇來學士好綺語下
筆雕蟲紛滿紙聞君雅論各泠然翻悟向來皆

口耳卽今門下多才賢文章德行何翩翩始知
過化有妙理豈在高視談虛玄君有長才經濟
世肯向周南嘆留滯佇看甘雨澤黔黎不獨春
風在庠序

月夜謝鄭子學送酒

風庭白月照軒牖三伏炎蒸更何有山翁浴罷
立前除正好啣杯苦無酒敲門贈我白玉壺美
人高義世應無呼童洗盞飲花下颯然灌頂如
醍醐一自山翁謝蟬冕每對良宵興非淺不妨

賁酒解金龜却笑臨危嘆黃犬小堂風月不須
賒峰下新開十丈花從此移尊肯相訪與君對
嚼東陵瓜

六月十五日鄭子學移酒偕陳子野過訪
北窓高卧敞松牖此身已到無何有向夕欣逢
二仲來訪我還携一尊酒炎宵涼月如冰壺仰
視明星乍有無仙姿照座掩瓊玉道言出口真
醍醐莫道榮華是軒冕山林滋味良不淺丈夫
得志則雲龍不然江村牧鷄犬相逢桑梓路非
賒乘興何妨數看花但願長江化春酒誰見安
期之棗其大曾如瓜

芸閣詩爲顧汝修賦

好書舊仰東川叟堆案盈牀若林藪我昔登堂
歷覽之觸目縹緗世希有仙翁化鶴二十秋每
誦韓詩憶鄴侯美哉此君善繼志海邊新起芸
香樓樓閣森嚴開四面中聚遺書踰三萬白日
芬芳走蠹魚清夜光輝燭雲漢孫氏書樓自昔
稱節度當年亦有名何如次君重手澤遂令海

內輕金籛卽今聖人延講讀諸儒濟濟登天祿
校讎須用讀書人如君豈得栖巖谷

題麻姑圖壽朱碩人

麻姑得道知何年傳聞發跡南城巔觀其自言
信長壽三見東海成桑田往時曾降蔡經宅擲
米成砂惟頃刻頂中堆髻髮垂腰身被文章皆
五色吁嗟靈異久微茫丹青貌出何輝皇孟君
持來壽朱母仙風彷彿生高堂朱母耆齡類嬰
穉人道前身無乃是不信年年敝玳筵請看雲

仍凡幾世

黃毅所叅議赴閩中贈歌

驄馬何年駐南國兒童盡識烏臺客攬轡江間
霧沴清理輪亭下豺狼絕七閩多事求才賢參
藩有命來九天暫斂霜威布甘雨先令鯨海銷
蠻烟往日知君抱經濟敢謂孫陽識騏驥年來
訪我石頭城吐詞總是安邦計此去諸侯負弩
迎旬宣有道見平生蒼生且望持衡近皓首何
嗟判袂輕

壽朱筠居錦衣八十

仲冬設宴開華堂雪晴雲散如春陽鳴鐘擊鼓
音鏗鏘門前棨戟皆森張堂中老翁眉髮蒼壽
登大耋身康強早年玉帳才無雙虎頭猿臂何
昂藏飛芻遠略濟朔方折衝令譽騰湖湘典司
禁旅守建康朱旂皂纛游故鄉九重拊髀求鷹
揚飄然辟穀學子房歸家卸却獅子裳近城小
築平泉庄釣魚沽酒談耕桑逍遙林壑滋味長
此日懸弧辰最良夜瞻南極星光芒子孫階下

紛成行爲龍爲虎爲鸞皇衣冠拜舞獻壽觴杯
中盡是黃金漿一門四世福澤昌百年俯仰樂
未央聞翁有策靖遐荒豈容擊壤歌陶唐後車
還見逢周王看扶姬祚傳無疆

余家舊藏石田白蓮圖一卷山農題以長

句凡三四疊諸公各有和章素爲觀者
羨賞今年庭蓮盛開因用韻成詩愧意
淺句俗難繼前賢聊紀一時故事云爾
盆蓮映日紅欲然倚闌翠葢相新鮮繁華難共

俗士語清香獨與幽人便曉起披襟對花坐真人疑下太華巔又如仙子降碧落緋袍翠帶光纏聯憶昔宦游過東越公餘日泛西湖船綠波千頃煙漠漠靚粧十里風娟娟白頭今種江東田敢云花木如平泉但看瓦沼在庭砌風光猶似蘓堤前人言蓬萊好桃樹花開只待歲八千人壽幾何不可俟不若對此常周旋所愁清霜改時令芳菲凋謝還不堅銀甕况有桑落酒青衣能鼓鴛鴦絃直須把盞唱金縷爛醉時從花

下眠

贈張將軍

男兒十六氣衝髮干將初出蛟龍匣猿臂登朝驚萬人電羽當場穿七札年少橫金歸故鄉白門觀者如堵墻過庭憶爾敦詩禮他日酌恩向朔方

送顧常卿春試

丹山本出鳳皇羽初出瑤林遂高舉信有文章冲碧霄不獨輝光照閭里洛陽二十稱少年漢

庭親獻治安篇妙齡射策正相似好去題名鴈
塔邊

邀笛閣

相伊善弄柯亭笛江左知音推第一青溪邂逅
王子猷對面還如素相識伊也元知王子名胡
牀特爲奏清聲須臾三弄飄然去賓主無言各
有情往事相傳歲已久君家正住青溪口臨流
開閣想遺踪落日憑欄幾搔首如君逸興誰可
倫久知王子是前身我欲相尋溪水上愧無清

韻動高人

贈周景雲

東吳傑士尚書裔策馬來遊佳麗地山川流覽
已經年却愛冶城多劍氣去年結屋城之傍離
群養晦開虛堂親奉板輿坐花徑獨栽竹筍供
霞觴華胄青年耻紈袴盡日窓前閱墳素懷鄉
不作莊舄吟閒居每草安仁賦龍蛇潛蟄好存
身用晦登明自有辰承家卽看冲霄起莫比西
康避地人

題橫厓醉竹

風外一竿高百尺云是陳侯醉中筆紙上喧翻
似有聲毫端神妙真無跡古來詩畫皆豪英健
思多從酒後生請觀此圖飛動處想見醅醕弄
墨情

題沈石田墨牡丹卽次石田韻

入春紅紫開不斷春深更得名花看考功園中
品最多贈我向來分一半小臺種成今廿載歲
吐千花足竒玩遮護常愁風雨狂喧嚷任教蜂

蝶亂我觀此圖善寫生紙上雙枝何爛熳此翁
洒墨偏動人西蜀趙昌應不換胷中巧思知幾
重圖裏春光鋪一段君來索題花正開一笑揮
毫飲無笑

贈楊水部

水部仙郎蓬島客金玉文章美標格周南吏隱
遂閒情皎皎行藏映冰雪隆冬臘日報弧辰避
喧鷺嶺辭來賓惟有山翁携綠酒邀我共坐觀
金輪憶昔蟾宮接高步四十流光等閑度自從

臨江雜錄 卷二
一別西湖頭豈知重聚祇園路才大難辭梁棟
求功成須上法王舟白蓮願結他年社千歲常
看慧日浮

贈江浦蕭令

向來守令重銜勒獨喜慈君在江北江縣三年
賴撫摩遂使凋殘盡豐殖天書昨自神京來專
城方借出群才一麾升作下邳守五馬去渡清
河隈人云衝郡苦征稅整頓如今得良吏此行
秀麥繞堤生此去甘霖傍車注休言資格淹豪

雄平原太守徵三公政成他日登卿輔好繼中
丞獨坐風

贈吳子明封君

江左名儒舊同志填胷經術不肯試教成令子
占巍科結綬早登玄武署今年迎養過孟城花
甲初周步履輕近傳壽宴開官舍正遇封章下
帝京誥上五花光燦爛赫赫綸音揚義範錦衣
初剪白鷗文鼎食橫鋪青玉案仙郎本是濟川
才指日飛騰接上台遙知養志能延筭常看鸞

書日下來

贈金白嶼

高標元是江東秀自昔揮毫擅詞囿古詩妙出
洛陽前新聲豈在開元後年登大耋神益強恰
逢英主初垂裳詔許耆賢進冠服遂令林壑
生輝光越南淮北曾遊遍留得琳琅在篇翰烏
紗今坐蕭爽齋好看麟兒頭角變莫言長作外
朝臣義範行看動紫宸迎恩迎壽知難老不羨
彭城郡裏人

積陰歎

節臨驚蟄忌飛雨雨破四旬飛不止我聞此言
初不信未必農家識玄理胡爲今春乃驗之占
年之信有如此二月已去三月來陰雲壓戶何
曾開流鶯在谷寂無語鳴鳩登樹聲何哀雷霆
薄響號令緩日月匿影陰陽乖曉起扶筇過南
墅積水微茫上溝澮二麥低垂未吐花五柳淒
涼欲飛絮愁多不是惜花心憂深祗爲謀生計
天道蒼蒼不可窺何人推測能前知乾坤早入

歸田稿 卷二 九
巧智手造化不得藏靈奇皇穹有意定無意我
欲披雲一問之

捕魚圖

長川遙望皆烟波萬魚來往紛如梭漁人侵曉
盪舟去大張一網如虞羅提綱祗愁風浪急收
綸却羨鱗魴多歸來沽酒烹鮮坐夢入黃梁枕
綠簑

張奉常考績贈詩

君家住在橫塘口早歲窮經閉松牖穎悟元居

仁祖前風流不忝尚書後尚書書法本擅塲殿
上揮毫動玉皇帝布超登八座顯遂令海內輕
鍾王奕世如君還濟美詔列容臺佐三禮祀潔
真能饗鬼神官貧僅可供妻子奏功此去九重
知新命重沾下赤墀倘過故園休頓轡黑頭正
是報恩時

賀篤齋孫懷寧守備爲蔡叅軍作

高皇神聖驅胡虜定鼎金陵奠中土烟花樓閣
擁神州錦繡河山護天府後來成祖宅燕都

兩都並建真雄圖金陵遂稱豐鎬邑特簡勳舊
操留符承平今踰二百載恪守舊章全不改公
侯接踵守金湯上下安居息戈鎧昨年倭寇生
海濱突入中國如無人未幾悍卒毆卿佐紀綱
蕩盡難具陳皇天悔禍幸無事九重南顧思康
濟慎選元戎寄保釐不似尋常但充位懷寧封
爵今幾傳萃胄生公獨妙年丹山產鳳信有種
虎頭之相非徒然令名早歲動 當宁共道西
平今有子眷茲居守求世臣簡命南來承勅旨

公來贊協已多時幄中妙策人盡知卽今管鑰
喜專寄命下萬馬皆騰嬉留都元稱根本地保
障須歸鍾鼎器如公鎮靜絕輕揚况復胷中藏
武備近聞校閱登將臺頃刻下令如風雷卷舒
賞罰各中度六軍嘖嘖稱雄才夙夜懷忠思報
主退食談兵對尊俎不道昇平已建橐却說隄
防須演武君不見蕭鄴侯關中昔日曾居留轉
漕給餉常不乏漢皇西顧能無憂又不見栢良
器建築年纔二十四頻經戰陣屢立功圖像凌

民日報 卷二
烟許誰儷芳齡壯略今見公
蹇時借寇留江東
指日召還總樞筦還看四海銷煙烽

苦雨嘆

去年江漲水亂流
洪濤滾滾浮高丘
稻花將吐忽沉沒
魚龍總向田間遊
後來水退暑已過
况復泥深不能播
塲空庾罄一粒無
八口垂頭半饑餓
今春麥穗紛紜生
田家歡喜餅在鐺
豈知久雨更浥爛
向來滿目空青青
三月滂沱今轉甚
秧針未插時將盡
誰倒天瓢不肯收
蓋高信

遠誠難問郡中亦有所晴文尺疏告天天不聞
豈是玄關多虎豹精誠未達雲中君何當斷蛟
出杲杲轉眼豐登卽温飽江湖廊廟諒同懷莫
教愁殺東山老

題喬松遐壽圖壽臨淮盱山侯

誰寫圖中千尺松
峻嶒翠蓋摩蒼穹
曉來懸入錦堂上
分明人在徂徠東
堂上蟬冠是元老
武略文名振江表
昔麾糧餉給幽燕
今握兵符奠豐鎬
旌旗來往逢耆年
冰霜歷盡顏色鮮
近聞

召入作隆棟懸知一柱能擎天寰中遐壽惟松
栢巖上圖中同一色逍遙尊俎閱春秋請看雲
根生琥珀

贈吳三峰

晉陵才子文章伯早着青袍覲天闕如何十載
逐風塵彤庭未獻匡時策魯人不解敬東家翻
遣移居淮水涯床頭美酒藏百斛坐上奇書堆
五車蹇余爪地欣相並時在藍輿過三徑啣杯
說劍識雄心刻燭揮毫見才性君不見相如以
後稱子雲行年四十始逢辰從今鵲起正相似
請愛尊前報主身

李伯憲西還贈歌

海內詞人半良友相逢罕遇雕龍手盱江傑士
訪白門髮上文光射牛斗今古填曾萬卷收常
時落筆雲霞流花間贈我九百字令人讀罷輕
曹劉不信蹉跎過四十卽今猶蹋冲霄翼奏成
流水竟誰知賦就凌雲惟自惜孤帆颯颯霜風
新勸君歸去暫藏珍他年金殿揮毫客元是長

安落魄人

秋江釣艇爲橫厓子作

龍江八月秋氣清
天風不動江波平
此時老翁乘小艇
一竿把釣波心行
此翁舊是花封客
累綬早拋似彭澤
拂衣走出虎豹場
垂綸坐近蛟龍宅
水色雲光隔市塵
此中元自着高人
屈原鼓枻滄浪上
公子垂竿東海濱
如君信是烟波叟
投餌得魚時換酒
孤蓬高卧任逍遙
金紫於君復何有
我亦辭榮卧水頭
欲將微祿買扁舟

君如謂我解真樂
欸乃聲中結伴游

贈楊醫士

醫師古來誰最良
渤海以後稱太倉
視生觀察分毫芒
豈徒坐守龍宮方
世人紛紛佩青囊
誰其繼者皆周章
指下不辨陰與陽
游談勦說徒哄堂
新安有客貌清揚
阜帽飄蕭游帝鄉
前身云是公孫光
果有妙解非尋常
人家毒疾多彷徨
群工束手無低昂
君來指說聲琅琅
滿座辟易不敢當
始知神見入渺茫
六孔二脉無隱藏

民日報
卷一
倒出靈草烟霞香枕上躍起皆平康辟如彈棊
排鴈行沉幾對局各審詳惟有國手巧思長從
容落子人皆降又如列寨金鼓張風雷呼吸在
毫芒大將吐奇坐中央咲談奏凱伊吾旁嗟呼
楊君絕技真擅場名與古昔同芬芳安得置君
在廟廊係和聖壽如三皇未令四隩無札傷

贈蔡修菴

庭中五老來何方長衫博帶髮眉蒼曉食霞氣
立臺上笑指紅日生扶桑五老不知幾百歲俱

是老人星降瑞胷中清淨絕塵埃却對金輪能
久視幕府先生壽六旬開筵長夏應弧辰誰寫
此圖挂堂上宛然京邸逢仙人宗伯清風猶在
眼先生節操真無忝皇恩家慶兩不窮千年坐
看羲和轉

題嚴陵釣圖

富春山高幾許山下平灘舖七里昔日嚴陵把
釣竿水面雲霞作朋侶憶昔嚴陵少壯時漢家
世祖共詩書一旦高登九五位偃蹇傲睨如窮

居夜來曾伴飛龍宿伸足胡爲加帝腹自信風
流有綠簑不道崇高是黃屋卓哉太史妙占星
客星昨夜侵帝庭帝曰故人偶同榻一時貴賤
真忘形歸來穩坐舊灘頭終日惟看碧水流九
重特遂幽人志不將龍袞輕羊裘良工何人識
此意却掃纒緗寫高致遂令丘壑想風流不向
王侯慕榮譽嗚呼九官濟濟皆良佐許由洗耳
箕山卧雲臺猛士多如雲先生長釣嚴江濱不
然天地方草昧豈有英雄忘濟世君不見磻溪

亦有釣魚臺早入飛熊夢裏來鷹揚有意匡周
鼎文王獨載後車回

題梅月雙清圖爲鄭隱君賦

霜月團團出雲際正照山前古梅樹皓魄瓊姿
清逼人疑是羅浮最深處寫入圖中何太奇山
陰野客真畫師細看紙上光華色想見揮毫盤
薄時孤山風流不可遇昨向湖村見高士手持
此幅過茅堂邀我題詩發幽思知君養素傍湖
村余亦澄神栖白門卽今對看圖中景清興無

窮好共論

王烈婦

君身既已沒妾身那更生紅顏委白刃義重命
固輕烈哉少婦性如此不爲留名向青史偷生
反面懷二心多少衣冠合愧死

太樸圖歌爲沈符卿作

名園珍木紛成林惟有大樸垂繁陰種來不知
凡幾世看去何止高千尋當年結屋依此樹曾
是符卿讀書處我欲觀之道阻長今日披圖無

乃似符卿賦性愛清真欲葆天和暫乞身橋畔
總迎題柱客園中再見下帷人勿云養壽辭彫
斲卽今天上虛綸閣願播清陰庇四方坐改澆
風還太朴

邢太史壽詩

雉亭主人鼇禁客及第名高信才傑起草親登
白玉堂逃名獨掩青溪宅方塘垂釣學嚴陵別
墅彈棋比安石歌成雙調世爭傳篆就六書人
罕識新年淑氣轉高門懸弧恰遇長生節庭前

民日報 卷二
奏樂應條風堂上懸燈敵華月翠盤呈出盡珍
餚玉碗盛來是瓊液詞人爭送夢熊篇仙夫初
授食霞訣憶昔叨陪鷓鷯行十年先後辭天闕
還家同作外朝臣綠野青門喜相接花下巾車
數往來真樂分明在巖穴願言歲歲開壽筵長
過君家醉春色

贈丁畫士

王宰風流不可見六法如君衆稱善當年落筆
動君王承恩曾上端明殿歸來散髮卧西湖留

得聲名在上都何時搖艇過天竺願君爲寫滄
洲圖

今昔行寄顧小川

君年庚午余甲子論交猶記庚寅始屈指今經
六十秋過眼韶光信流水憶君鼓篋過賢關論
文對坐鷄籠山秦淮夜月浮杯裏鍾阜晴雲落
座間余亦探竒好任放曾盪蘭舟過海上聯輿
邀我看滄溟恍忽蓬萊見方丈少年行樂能幾
時彈冠忽際風雲期揮毫君上天祿閣秉銓余

民日報
卷三
坐文昌司放歌燕市恣容與搖珮丹墀同拜起
遂從故國謝青蒼爭向天門曳金紫豈知平地
風波生先後驅車別帝京雲間再訪松喬侶白
下重尋鷗鷺盟水上浮萍易分散安得參商還
對面幾從江海問寒暄祇有封題托鴻鴈聞君
得道遇真仙想見風流似昔年停雲倘念青門
叟莫道丹方不可傳

壽鳳墩僉憲八十

高坐寄在鳳臺西長河一道通青谿墩上巢梧

來鸞鷲橋邊飲水飛虹霓主人元是廣川客彤
廷曾獻天人策釋褐長辭白版扉彈冠直上蒼
龍闕三年美政留河陽內徵早作尚書郎外臺
攬轡振風紀章江滿路飛清霜上接台階惟只
尺翻然拂袖思泉石自謂風塵有是非何如澗
壑堪游息歸來臺畔結層樓日坐晴窓眺帝州
彩筆題詩能遣興金尊送酒全消憂今年八十
報初度一星南極臨朱戶喜逢仙客送霞觴坐
看兒孫躡雲路蹇余同抱渭陽情相宅曾云出


貴甥豈知蒼蠅附騏驥果然鴈塔雙題名憶昔
青年今白首大耄同登信非偶敢將斥鷃比鯤
鵬每對蒼松笑蒲柳聞君學道遇方平回首休
忘洛社盟他日丹成跨蒼鹿好携兄弟一同行
贈畫梅王山人
高人酷愛羅浮春筆端幻出如傳神頃來白下
縱揮洒得其半幅如隋珍老我山中栖息久喜
對寒花結良友何當磨盡萬笏烟爲掃千株還
肯否

贈毛陰陽

三衢仙客有古風手携竹策游江東山川歷歷
迎掌上指點不與凡夫同凡夫相地不相心君
言吉壤歸吉人此言一出破群謬始知九卷皆
虛文我有狐丘傍南郭老祖當年費經略君言
風水合圖經倘欲藏真勿他索我聽君言心竊
喜何幸千秋依考妣便從舊壠開新阡不問牛
眠與龍耳

少癸王年丈八十壽詩

民日報 卷二
憶昔從君上京國揮毫同對臨軒策彈冠直入
承明廬看花並走長安陌南游君作尚書郎余
亦遷官佐奉常燕磯牛嶺總勝槩公餘結駟堪
徜徉後來君登三品貴而余已解朝天珮從此
參商隔道途惟有魚書歲頻寄星移物換歲華
流回首登科五十秋卽今先後稱大耋青鬢那
知遽白頭近報隆冬開壽宇南極光輝照軒几
遙見青鸞度海來坐看彩鳳冲霄起聞君元是
王子喬偶從塵世駐星輶一自壺中得大道至
今顏色如童髻顧我凡胎易衰朽清強獨愛同
袍友何日相携入洞天玉壺對酌長生酒



身
利
卷
二

